

www.BibleForChildren.org



Yowane 14



"Tabu kwa nuwadubu, Yaubada kwa sunumaei yo yau hinage kwa sunumaeigau. Tamagu yona numa unai meta dahala gwaudi. Ena taba teina ta nige mamohoi, meta nige gonowana ya hedede bena ya lau temenai kabo yomi dahala ya kabinonohaidi."



"Na ena ya lau yomi dahala ya kabinonohaidi, kabo hinage ya uyoma ya haigomiu, na yau haedi yogu kabamiya meta komiu hinage kabo temenai."



Yau, Yowane, Yesu sunumaena ta unai meta kami
kaha hesau. Yau hinage hekamkamna ya hekalo
doha komiu Yesu tausunumaena

maudoimiu. Maudoida meta
Yaubada yona basileiya




tamowaidi, yo
hekamkamna ta
maudoidi udiyedi ta
tolokesegai.




Yaubada yona hedehehede yo Yesu wasana yogu
lauguguyaidi wa debadiyena ede se tolegau
Patimosi bwanabwanaluwana unai.




Makesega kabo Yaluwa Tabuna ye tanuwagaigau na galewa ne unai telona ya kita na unai ginauli hesau ye tutuli.



Kabo ginauli maudoidi galewa, tanoubu ta yo tauboiboita yodi magai udiyedi yo gabwa luwadiyena, siya ede ginauli maudoidi maumaulidi Yaubada ye hetubudi wa, kalinadi ya lapuidi se wanawana se wane, "Kowa telona unai tautuli yo Mamoe Natuna, . . ."




“ . . . ka hede basa egomiu yo ka heka sisi ye igomiu,
yo kami kao saesaedi mamohoidi yo yomi tanuwaga
gigibwalina debadiwai ka
taba'ohu igomiu ye lau ee
nige kana siga.”



Yo Yaubada yona magai, iya ede Yelusalema hauhauna, galewa ne unai ya kita ye dobidobima. Magaina wa Yaubada ye kabinonohai doha waihiu se kabinonohai tawasola hesabana. Yo telona ne unai kalina lakilakina ye laolaoma ya lapui ye wane, "Kwa kita ne!


Yaubada yona kabamiya ede tamowai luwadiyena. Kabo maiyanao se miya yo siya kabo yona tamowai. Yaubada, iya ede yodi Yaubada, iya kabo maiyadi. "




Kabo anelu wa mauli wailana sagasagana ye
hekitagau, na ye neganamwanamwakalili doha galasi.
Na Yaubada yo Mamoe Natuna yodi telona unai ye
didididima, yo ye didi ye dobi magai lakilakina wa
kedana lakilakina duwaduwalina wa unai.



Magai lakilakina ta unai nige mahana o waikena
dawayadi, matawuwuna Yaubada yona didiga
dawayana magai ne ye hedawaya, yo Mamoe Natuna
meta lampana ede.



Na taba nige gonowana ginauli hesau bidabidana se
baheiyama, yo koitau tautaba'ohuidi yo taukailupolupo
taba nige gonowana magai ne
unai se lusae, na siya
kaiteyadi hesadiyao
Yaubada ye kulidiko
Mamoe Natuna yona
mauli bukana unai
meta siya se bom mo
kabo menai se miya.




"Iya kabo matadi ne udiyedi matasulu maudoidi ye sauhaidi, yo taba nige boita'uyo o nuwadubu o doudou o kamkamna. Matawuwuna ginauli bagubagunadi wa se tauwadamko."




Temenai taba nige tamowai o ginauli hesau Yaubada kabo ye kitaheyababa. Na Yaubada yo Mamoe Natuna yodi telona meta magai lakilakina wa luwanawai, na yona heyayai tauhaidi kabo iya se taba'ohui. Siya kabo kana kao se kita, yo Yaubada hesana meta debadi ne udiyedi.




Kabo tauboiboita maudoidi ya kitadi, tamowai saesaedi
yo tamowai dobidobidi, siya telona talanuwana wa unai
se totolo. Anelu buka se sokedi, yo buka hesau hinage
se soke, iya ede mauli bukana. Tauboiboita ne saha se
ginaulidi wa meta buka wa udiyedi
Yaubada ye kulidobiyeidi, na saha se
ginaulidiko wa debadiyena kabo ye
hekasadi. Ena taba Yaubada
tamowai hesau
hesana nige ye
lobai mauli bukana
unai meta kabo ye
tuudobiyei kaiwa
kalakalasina wa unai.



Yaluwa yo waihiu, iya ede Mamoe Natuna bena kabo
ye tawasolai ne, siya se wane, "Ku laoma!" Ena
kaiteyadi teina hedehedede ta se lapuidi, taba se wane,
"Ku laoma!" Ena kaiteya gadona ye magu, taba ye
laoma mauli wailana nige maisana ta ye numa.



Matawuwuna Yaubada tanoubu ye
gadosisikaliliyei, ede natukesekesegana
ye mosegabaei. Unai kaiteya iya ye
sunumaei, meta taba nige
hekamkamna ye lobai, na mauli
nige kana siga kabo ye hai.



Hebelu 9:27 Doha ede tamowai ye boita ma kesega mo na mulinawai kabo ye masalaha hekasa mayadaina unai,

Epeso 2:8,9 Yona kabinamwa unai ye gilihaigomiu yomi sunuma debanaena, na teina ta nige kwa bom yomi bayaoyena, na teina meta Yaubada yona kainauya.
Nige komiu yomi paisowa debadiyena, unai nige gonowana tamowai hesau ye hededetausae'uyoi.



Yowane 3:16,17 Matawuwuna Yaubada tanoubu ye gadosisikaliliyei, ede natukesekesegana ye mosegabaei.

Unai kaiteya iya ye sunumaei, meta taba nige hekamkamna ye lobai, na mauli nige kana siga kabo ye hai. Yaubada Natuna ye hetamaliyama nige bena tanoubu ta tamowaidi ye hekilainodi, na bena ye gilihaidi.

1 Yowane 5:11-13 Hededeheemasalaha wa hedehededena ede teina: Mauli nige kana siga meta Yaubada ye haiyamako, na mauli ne iya ede Natuna unai. Ena kaiteya Yaubada Natuna ye hai nuwanaena, meta mauli ta ye haiyako. Na kaiteya nige Yaubada Natuna ye hai meta mauli ta sola nige ye hai. Nuwanuwatu ta ya kulidiwa komiu kaiteyadi Yaubada Natuna hesanaena taukawamamohoi kalimiuwai, na udiyedi kabo kabina kwa kata meta komiu mauli nige kana siga wa kwa haiyako.



Yowane 14; 2 Kolinito 5; Hemasalaha 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Saliba NT (sbe) © Wycliffe Bible Translators, Inc. All rights reserved.

<https://live.bible.is/bible/SBEWBT/MAT/1>

©2026 Bible for Children, Inc.

www.M1914.org

www.bibleforchildren.org

